

中國方志叢書·華南地方·第一九七號

據

民國·魏任重修，姜玉笙纂
民國三十五年鉛印本


影印

廣西省

三江縣志

567462

成文出版社有限公司印行



10095909

19102

中國方志叢書·華南地方·第一九七號

據

民國·魏任重修，姜玉笙纂
民國三十五年鉛印本

影印

廣西省

三江縣志



成文出版社有限公司印行



10095908

中華民國六十四年六月臺一版

三江縣志

全二冊

發行人：黃 成 助

出版者：成文出版社有限公司
台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

中華民國三十五年五月

三紅縣志

黃旭初題

纂修三江縣志十一卷民國三十
五年丙戌（一九四六）十一月鋅板



國父遺囑


余致力國民革命凡四十年其目的在求中國之自由平等積四十年之經驗深知欲達到此目的必須喚起民眾及聯合世界以上以平等待我之民族共同奮鬥

現在革命尚未成功凡我同志務須依照余所著建國方略建國大綱三民主義及第一次全國代表大會宣言繼續努力以求貫徹最近主張開國民會議及廢除不平等條約尤須於最短期間促其實現是所至囑

纂修三江縣志序

三江自宋紹興十四年建縣以來，迄今八百餘載矣，志尙付之闕如，明清兩世，蘇朝陽廖蔚文林大宏三賢尹，雖先後有作，要皆略而未備，類多散而無存，民國二十二年，中央研究院有徵集縣志之令，省修志局有各縣採訪之使，于時唐任文佐、鄭任配天、豐邑紳覃卓吾梁家善龍澄波諸君，乃從事采輯，并以覃君卓吾爲編修主任，五閱寒暑，至二十七年而稿成，卒未出版，仍無以公諸衆，然細繹內容，諸欠翔實，有待於補充而鎔裁者，不一而足，亦未能遽付梨棗，三十二年七月，余奉命來典是邦，即有志於斯，無如敵愾方張，徵兵籌餉，未遑其他，而予思固無日不念茲在茲，三十三年十一月，當局以整個戰略關係，桂柳先後撤守，碩學通儒之疏散過此者，輒索閱縣志，恆苦無以應之，疆域百里，朝代五更，而其典章文物，竟無一卷帙以示人，邑人之恥歟，邑宰之責也，寧復任其闕如，而使三江終無聞於世乎，正物色大匠，適黨國先達監利姜實誠玉笙先生，由桂林蒞止，晉接良久，徐徵同意，而後禮請主其事，未幾，百壽名宿陳滌凡學澧先生自大羅至，因實誠先生介，並禮請而爲之輔，兩先生學博識宏，思精體大，余謬兼館長，叨陪究研，不八閱月，而十部完成，瘁矣二老，我獨貪天，幸也何如，媿也何如，斯志始於空前緊張之日，藏於最後勝利之時，凡縣屬八年來抗戰史蹟，都依現實，一一筆之於書，較之後來蒐索故紙，東塗西抹，而猶疑似莫衷者，則確鑿夥夥，全國千餘縣中，於此際而與此役者，恐亦不多，是則此志，不但爲本邑之先導，抑亦供全國各縣之前驅，三江，從此不後於人矣，

中華民國三十四年乙酉（一九四五）十二月十五日署理三江縣長魏任重謹序



序

吾邑舊志、殘闕久矣、近百餘年、殆可謂無志、優秀之士、學問之倫、能內究禹域、外窮六洲之政教風俗、而於鄉邑往事、或不能道、即耆宿多聞、苟非關心於輔政牖民、而能述先進以啓後進者、亦尠焉、文獻散佚、記聞綦難故也、以是自民二十二年以還、賢侯邦彥、始致力於此、覃覃吾諸君子、因省志采訪所及而草創之、未備也、內容之補充、文義之鎔裁、均有待於賢者、歷八年物色、然難乎其入、迨倭饑方張、賢豪萃集、監利姜公實誠潛臨於此、縣長魏公、知其爲黨國先達、邑人慕其碩望博識、羣請主其事、百壽陳公滌凡、避地大羅、姜公魏公既悉其學問、邑人夙耳其風裁、並禮聘而勸助之、二公固以相得益彰、而不棄吾人之誠懇、不薄吾邑之陋塞、乃幸皆慨允焉、於是設館於縣臨時參議會內、斯志之纂修、遂於民國三十四年五月重新而經始、維時、邑中遠近知其事者、皆以先覩爲快、以故觀成之期較促、而二公增勞矣、每拂曙而筆硯已陳、夜分而膏火未息、凡典籍稽考、檔卷細繹、各鄉采輯員之采述、各機關團體之來稿、遠夫雁足片簡、薛碣殘文、達於館者、靡不寓於目、而山川道里、政教民風、物產豐嗇、民生苦樂、以及嘉言懿行、可實地諮諏者、則覲就縣人士博采而詳徵、寡識如建民、亦時承下問焉、養殺青、又集各鄉耆彥參加校閱、孜孜然惟恐有未週者、天以二公之學問文章、出其餘緒足矣、乃於事之愼、居心之公也如是、吁、吾無間言矣、斯志也、凡數十萬言、裒然巨帙、不數月而蕆事、使吾邑後起之英俊、得瞻仰乎前修、則前賢之幸也、上達之君子、建樹於國家、而不忘鄉邑之政俗、則鄉邑之幸也、戎馬倥傯之際、微魏公、不足以禮致二公、微二公、斯志之付梓、不克及今而實現、然則斯志之成也、二公豈止結緣於去來今、因斯志之啓迪、冀光大於來者、藪爾之三江、亦將不落後於人間世歟、自維不學、何敢贅詞、第以忝長議席、常駐會中、昕夕目覩二公之辛勞、而感

新志之完成不易、胥爲吾人所不可忘者、不慚累篇幅、爰敘之如此云、
中華民國三十五年元月三江縣臨時參議會議長福安鄉樹聲韋建民謹序

三江縣志序

廣西省政府主席黃序

周以前尙矣、春秋時、三江爲百越地、戰國、則接壤黔中、秦屬桂林郡、漢置縣潭中、屬鬱林郡、三國時、屬吳鬱林郡、或曰桂林郡、南齊爲齊熙郡地、隨置融州屬焉、唐設巖南西道分司融水縣、宋隸懷遠軍、元屬廣南西路、明洪武十三年、升爲懷遠縣、清仍其舊、屬柳州府、民國三年、易今名、以其爲牂牁、潯江、諸水所匯合也、其地、兼邱陵原隰、墳衍山澤、其物、備羽毛鱗介、嘉穀茂林、其俗、淳樸而重禮、其人、磊落而多英、在昔以僻在荒裔、舟車罕至、甘食美服、宛如世外桃源、漢罷珠崖、并棄百越之地、宋揮玉斧、更捐六詔之氓、德祐以還、臨安不守、江南士族、轉徙於斯、篳路開山、遁邇遁理、門成鄒魯、文物漸臻、現時統一車書、無遠弗屆、窮髮之北、流沙以西、嶺海而南、舉凡旃裘毳幕之倫、懸度接飲之族、鑿齒雕題之胤、頭痛身熱之區、罔不賻詞記述、發揮張皇、矧我旬服邦畿、文教久被、商賈輻湊、黔桂咽喉、襟桂柳而帶融都、倚苗嶺而枕蒼梧、天開圖畫、羣峯之翠黛常新、地遍桑麻、三冬之青黃未了、如無鴻文記載、何以彰治化而昭靈秀、昔雖有志、率爾椎輪、大輅已成、難詔來哲、余以政務鞅掌、少暇旬宣、喪亂既平、宜徵典籍、值姜陳諸耆宿纂成斯志、卽待付梓、魏縣長任重携稿來府丐序、爰書數語、以弁其端、容縣黃旭初敬序、

THE NEW YORK PUBLIC LIBRARY
ASTOR LENOX TILDEN FOUNDATION
1155 5th Ave. New York 17, N.Y.

1155 5th Ave. New York 17, N.Y.

序

廣西省財政廳長王序

瓊顧宇內諸民族、其文化萌芽最早、國運綿續最長、迄今正屹立於天壤間者、惟我堂堂華胄而已、神勇史跡、早著簡篇、春秋肇編年之端、史記創紀傳之緒、自茲以往、史家世出、體制繁興、官書私著、日以增華、明清以還、復盛纂地方之志、夫以我民族歷程如此悠久、事跡如此繁雜、人口如此衆多、疆域如此遼廣、史乘所收、難於詳備、而地方之志、於一地境域、政治、經濟、文化、社會、風俗諸端之沿革興替、無論記事記言、均足以補史乘之遺缺、且於先人文獻之保存、令譚善行之詔揭、與夫艱苦奮闘之紀述、足爲後人楷範、進而激發愛鄉土愛國家愛民族之念、而使其振厲奮發、循守先業、而益推進之、是則地方之志、豈僅一地方之實錄而已哉、三江位本省北鄙、建縣於趙宋、迄今八百餘年矣、惜尙未有志、明末以來、屢經邑宰多人倡其事、而終成泡影、去冬、敵自三湘入侵本省、北部諸縣、相繼淪陷、惟三江巍然獨存、然敵亦兩度掠縣境、且屬內四方義胞雲集、國軍道出者踵相接、政府苦於勞來之招、人民疲於簞盞之迎、於此艱難萬狀、烽烟瀰漫中、邑宰士紳、猶能致力於縣志之編纂、並禮聘本黨耆宿姜玉笙、陳學禮兩先生主其事、限期脫稿、使三百年來屢經述作而未完之功、得以畢事、良非易易、其亦有鑑於志書之足以振奮後人、激發民族精神愛國觀念之效歟、遜志今夏奉命率本省黨政軍督導團巡視桂北、蒞臨三江、聞志將付梓、欣忭無已、時值戎軍捷訊頻傳、敵寇掃蕩有期、而斯志之成、非所以飾太平、彰盛世、蓋以浩劫以還、百孔千瘡、莫可名狀、志成問世、乃以激發三江十餘萬同胞愛鄉土愛國家愛民族之念、使其振厲奮發、羣策羣力、從事於地方新建設、他日河山壯麗、人阜物康、豈三江一邑之幸、抑亦大有裨於國家之富強、民族之綿延、可斷言者、因樂應地方父老之請、而爲之序、

中華民國三十四年臨桂王遜志序

三江縣志序

廣西省教育廳長黃序

縣之有志、猶國之有史也、其要在紀疆域之變遷、敘人文之演進、使後之人、周覽圖輿、鉤稽掌故、恍然於盛衰之迹、得失之端、探其本源、資以爲治、不僅、徵文考獻已也、昔孔子之作春秋也、寓褒貶、別善惡、使善有所勸、惡有所戒、後之作者、無不奉爲圭臬、縣志與國史、體裁雖未盡相同、而其旨趣、則莫不一、蓋人之德性、功業、志行之美者、歷時既久、或湮沒、而無聞、誠能表而出之、善人喜於見傳、則勇於自立、惡人無有所紀、則以愧以懼、其裨益於教化、又豈淺鮮耶、三江建縣於宋、其間、存廢靡常、文獻無徵、自明末迄今、邑宰蘇朝陽、廖蔚文、林大宏、唐文佐、鄭配天諸君、雖先後有作、然日月居諸滄桑適變、或散佚無存、或編纂未成、卒無定本、去冬、魏縣長任重、當戎馬倥傯之時、聘避地南來之士、奮如椽之筆、成積腋之篇、舉凡山川、險要、物產、戶籍、與夫通材達識、忠孝節義之士、之嘉言懿行、罔不詳搜博採、悉著於編、八百餘年之歷史、信而有徵、十四萬衆之文化、垂而不墜、可謂知治本者矣、昔者何善史、見圖籍而先收、君實多才、資通鑑以爲治、他日此志告成、人手一篇、官紳士者、咸瞭於歷史、疆界、文物、風尚、其治理措施、固獲收因地制宜之效、而生於斯、長於斯、聚族於斯者、習其掌故、讀其紀載、亦油然而生文恭桑梓之心、見賢思齊之志、則政成俗美、左券可操、憲政之推行、不難如水之就下矣、豈不盛歟、編纂既竣、魏君乞言於余、余職司敷教、愧未有成、竊喜魏君之有造於茲邑、而又可資以爲政教之助也、故不辭、而爲之序、

中華民國三十四年季冬臨江黃樸心拜序於廣西省政府教育廳

三江縣志序

廣西省民政廳長陳序

我國古有史官之設，典守文誥，圖籍，章程，故事，益史學淵源所自，按周官史掌四方之志，注謂若晉之乘，楚之檮杌，魯之春秋，是則方志固諸侯之國史也，洎郡縣代封建，舊史官守遺失，方志有作，僅成志地之書，此一蛻變也，夫佐政事，閱教育，非考前代之典，不能究遷嬗之迹，非綜當世之務，不能切人倫之用，允宜縱橫經緯，融合條貫，期得體要，而徵實際，故明清以還，志例漸臻賅博，舉凡疆域，地理，建置，沿革，政教風俗，文化學術，物產賦稅，前事古蹟，審其有關文獻，有裨政理，有資人生日用者，罔不搜訪采集，裁次纂述，此又一蛻變也，清乾隆間，章學誠寔齋以卓犖之傑，具良史之才，其論述志事，出別識心裁，立爲義例之準，成一家之言，嘗曰，今天下大計，既始於州縣，則史事責成，亦當始於州縣之志，又曰，文夫生不爲史官，亦當執筆論列當世，以文章見用於時，纂修志乘，其一事也，繇是觀之，可知方志爲國史所取材，而纂修之任，固學人所常志業焉，監利姜玉笙，百壽陳學澧兩先生，著三江縣志既殺青，魏縣長任重抵書相告，視爲建邑八百年來之絕大收穫，而殷殷以序見囑，雖原書付剗劑中，未及遂先觀之快，顧著錄原旨，寔包舉繼往開來之宏願，且觀成於余承乏本省民政期間，終感不可無一言爲弁也，三江舊稱懷遠縣，建始於宋崇寧初，厥後存廢迭更，迄明洪武十三年復置，乃相沿定制，民國二年易今名，地處省北境，與湘黔邊壤略交錯，緣地理環境之影響，自昔文物聲華，視他大邑稍遜，天然資源甚豐，且民性純樸堅毅，將來開發，未始不可蔚爲康富之區，縣志舊凡四修，明萬歷二十年，知縣蘇陽朝撰懷遠志略，至清康熙三十四年，知縣廖蔚文取蘇志踵事增益，嘉慶七年，知縣林大宏復補前所未備，惟規模終狹，且俱散佚，民國二十二年唐文佐任維新縣篆，聘邑紳龍澄波、覃卓吾輩纂志稿，事竣而未契，蓋草創容有疏略，尙待考校潤色耳，客歲夏